

三原縣新志卷之二

知縣焦雲龍重修

邑人賀瑞麟編纂

建置志第二

春秋凡用民力必書其所興作不時害義固為罪也雖時且義必書見勞民為重事也旨哉程子之言乎建置以為民也大而城署遠而驛鋪內而坊巷外而鄉里著而鎮寨小而橋梁固皆民力普存然其經營創始不可以弗錄也今當兵燹之餘傾頽愈多而民困益甚誠欲有所補救斷以陸稼書所云如衛文公之務財勸農通商惠工敬教勸學授方任能而後楚邱作焉斯善矣

縣城通志本舊龍橋鎮元至元二十四年縣治徙此築土城高三丈三尺周九里一百八十步東西南三面有池池深三丈闊

三原縣新志 卷二

五丈北臨清河深十丈餘白渠流繞城中東北隅有月城門四

東曰賓陽西曰西達甘涼南曰高山遠翠北曰凝瑞北門河下西坡重起一門以為外障

明崇正七年知縣張縉彥以北面瀕河兩頽岸圯添築磚堞東西長四百五十四丈四尺邑諫議劉曰俊修馬牆一而高八尺

國朝乾隆十一年城東隅坍二百一丈四尺邑人李道生胡瑛捐貲重修二十六年城東西南又坍邑人王楠李郁崔世祥

張懿等三十人捐修嘉慶二十年知縣翟鳳翔議捐重修咸豐四年知縣余庚陽議捐重修

西關城通志明初築周一里六分城高池深與縣城等門二西

三邊要路李志西曰翠挹仲山西南曰遙近太白碑記湮沒無考咸豐十年關人生員

張來鳳捐貲重修

按重修時獨闕女牆壬戌回逆外攻雖人無固守抑以火器

衝激苦無遮蔽勢不能支卒至陷沒豈不亦自貽之戚乎亂後始補砌而兩城門樓猶未營建是亦不可不急圖也

北關城舊志周四里四分高三丈池深如之通志明嘉靖二十

六年巡撫謝蘭築有馬光祿理創修新城記萬厯閒少保温純

重加修葺建石梁南與縣城相連有尙書李維楨記門四東曰

西曰永安南曰南臨河岸外門向西坡上亦建重門與南城同

式兩圍對峙樓閣相映中互石梁如連飛虹東門內舊有謝公

祠築城碑記馬記畧云河北居民與南等多縉紳髦士家然無

果正德閒川蜀盜起套虜復憇王康僖謀築於當路移有檄矣

時榆次王君任事爲庶民所沮弗果城後虜入山西平陽窺關

中守巡率兵東禦於河三原士夫復謀築於當路亦移有檄矣

時甯陽閻令任事爲涇陽田廬所沮又弗果嘉靖丙午虜奸細

入境侵盜有期三原人士謀築益劇然未敢白也時晚溪謝公

保釐我土急移檄督築此城有沮者輒令刑以徇時王令任事

分工舉事同日並作閱月而城畢又二十日而城上女牆樓堞

重隍舉畢周三千步許崇二丈五尺下闊三丈許東門樓設敵

臺二十七所重隍闊二丈五尺深如之女牆堞口一千五百餘

設神機火器數如之○又重修記畧云創修時事棘功速甫五

載而城隍坍塌淺矣巡按姚公至視之患焉曰三原爲關中要

邑集四方商賈重貨昏曉貿易故虜思內侵朶頤在此此無險

虜易而至則關以西三川南北無甯歲矣乃移檄至縣拓舊模

擬新式度地計工分役宣力役用夫千五百有奇夫分工一尺

有奇蓋役諸新城居民糧自備計磚甃城上下水道四十餘所

女牆堞口一千六百有奇舊板築土壚雨易粉今以磚坏壘砌

麥稽泥墁糯米和石灰堊之固矣蓋留芳焦吳二里附郭民應

避患者之所營也嗚呼是役也豈易營者哉君子知幾凡民不

見利不趨不見害不避夫趨避有時上之人乘其時而使之又

道以驅之斯子來而忘其勞矣要害之地險設而患息則斯城

之創之葺也豈一邑之計哉所保廣矣廣矣○又王徵記温恭

毅繕城祠略云温少保先生念北城名僅有而實弗存也謂保

障無資一旦有警將奚所恃而無恐爰謀之縣大夫與諸紳士

父老捐金倡義董率區畫爲之重築北城并補南城以固其圍

既告厥成先生顧不自以爲功卽當日之人或亦未甚德其功

迨至崇正戊辰關中大饑流寇紛起擄聚日繁千騎萬侶耽耽

焦穫之原環馳北城之郊且數次惟時鄉村猝無堡寨蹂躪焚

掠之慘不忍見聞郭外之岷叟稚婦逃而求入者踵相齧也當

事與諸紳士父老議賊眾不遠恐得以隙乘之也門拒不內余

謂城所以衛民也奈何拒吾赤子而委之賊且賊尙遠未遽乘

也卽乘吾力能拒之議者又云城內無百日糧驟內多人以耗

吾食非計可令挾芻粟者入弗挾者毋得入吾又謂均吾赤子

也奈何拒其饑者而委之賊况賊風雨飄忽必不肯為百日攻
當事者是余言遂大開城門縱之入諸見阻他門者亦轉徙而
入可數萬計遂擇其精壯者亦派為守城之夫諸紳嬰城指麾
士民咸登陴力守一時城頭數百人賊遂逡巡昨舌退於是
諸紳士父老咸嘆曰天乎設非今日城守之嚴吾輩不知當作
何狀設非當年預築此城即欲為今日之守何可得作此城者
何其流澤之無窮也今既飲水而思源安忍忘思而不報其急
建一專祠以報先生居恆私嘆士大夫居鄉必有一段不朽功
德利賴一鄉令鄉之人久久不忘感頌稱曰鄉先生始不虛耳
不然身都貴顯鄉之人毫無所利賴或徒擁富厚廣田宅日夜
為子若孫圖百年便利於鄉之人輒秦越不相關也甚或睡
毗凌轢恣逞其所欲為反貽害於閭里今鄉之人心非巷
議腹誹背詛敢怒而不敢言此即求免於一時之譽言且不能
矧能聲施後世歿已數十年猶然令鄉之人追思俎豆無已時
哉如先生者真 國朝嘉慶二十年關人知府李大儻捐貲重
可百世不朽己

修同治五年大儻之曾孫懋功又重修

北城坍損久咸豐中關人某議修有日而中為人沮回亂始

欲興工補築顧卒無及城破焚掠備極慘毒使如温恭毅能

為思患預防之計何至此哉過時補牢亦已晚矣君子未嘗

三原縣新志卷二

不追咎於愚夫之誤事也

東關城通志周三里三分奇高三丈五尺池深如之門二東曰

東南曰迎巽朝陽門以形李志創自明崇正八年因流寇蹂躪

邑貢生趙希獻首倡生員王一棟等十三人義民常維賢等數

十人以義輸金不擾里民二年功竣自建城後邑人競趨卜築

烟火鱗集為一邑勝王靈有東關修城始末記明季饑饉盜賊

城居人不堪其擾生員王一棟同趙希獻張電發謀築城集錢

六千有奇經始崇正八年自內城沿清涯高三十五尺袤互六

百六十餘丈時鄰村大族李某等於城北隅爭開便門以通往

來拒不可致相鬪毆李以八百金賄閩學道誣以因公科斂除

名下府獄欲斃之賴太守曹璜營救得免學道疽發背死王一

棟因發遣開道至都下伏鎖上書勅下督撫委鄆令張泗源鞠

得實寘李於法 國朝嘉慶二十年關人郎中胡肇基之母夏
氏捐貲重修據記高二丈袤互五百四十餘丈下闊 光緒三年
生員胡靖又補修

南關無城東西通衢舊市廛店舍相連百餘家亦邑南面之屏障回亂於燧列盡今商賈漸集不異昔時屢謀建築而未能圖始固不易哉

鐘樓在縣治北歸仁坊建自元至正二十六年縣尉張繼祖洪武十八年復修知縣無考 國朝雍正三年知縣呂珮重修乾隆三十三年知縣張象魏更修咸豐四年知縣余庚陽又補新之

督學署通志在縣治北大街西舊關內道行署明洪武二年縣丞仰山建十年知縣吳自當重修天順六年知縣莫謙復修後改督學行署張志明制為提學道其署在西安按察司大門內東偏 國朝康熙四十六年改為督學院未有公署以關中書院為之康熙六十一年總督年羹堯題請移駐三原乾隆二十

年知縣蔡維勸詳請動帑重修

知縣署舊志在縣南門內東街元至元二十四年縣尹郭真自東北鄉舊縣徙建於此明洪熙元年知縣宋麟重修 國朝康

熙中知縣李瀛捐俸建大堂五楹顏以敬愛

堂東為庫堂前簷棚五楹堂下東東

曹九楹西更曹九楹儀門三楹兩掖為角門東角門東為圍屏西角門西為賓館大門三楹堂後為內官舍學古堂五楹堂後臥室三層堂東書齋記曰余蒞任之五年乃得取縣署之大堂三楹堂西射圃三楹記曰而改建之時康熙四十二年也夫邑之有堂所以宣布教化治政臨民固不宜崇大侈華窮土木之工亦豈可湫隘卑陋令人褻易無以示國體乎縣之堂乃其小者然令職比古爵為侯轄百里最親民凡境內之利病人情之冤滯聽讞之當否皆自縣堂始而使堂之制勿尊嚴是委親民之吏於草莽也余始至見原之急務尤有甚於堂者且適當大禮後吾民未蘇須之五年稍為整理竊幸百度有緒比歲豐稔乃議改建大堂夫苟視為傳舍則可置此堂於不事矧不敏如余去留益無定矣必更堂而居哉顧一日居是職一日行是事一堂之營造亦為數百年之計取材必良陶甃必堅築基必厚程工必嚴黜粟塗墍舉以法堂成五間飛革軒宏母卑母後並得中制自某月至於某月計用人之力共若干工而堂乃成訖工食與人之營堂者且祝之曰自今以始願代有賢者來蒞此

事履此堂實心實政躋原民於樂利幸無曖昧其心卑汚其行狹小其度以愧於堂之高明廣大則原民百世賴之今日之經營亦與有榮耀矣既以敬愛題於堂退而爲之記 乾隆三十年夏大門災知縣張象魏捐俸重建以磚易木上蓋樓廡亦有自記

縣丞署在縣署左

典史署在丞署左

教諭署在縣南街桂林坊門內南向

訓導署在教諭署東

分防外委把總署在古建忠驛巷

前志馬兵四名守兵二十七名俱從富平都司營管轄後

都司移駐耀州今馬兵數如舊守兵二十名

貢院在督學署西門內相通明萬曆乙卯創建督學尹伸爲之

記李志 國朝康熙四十二年知縣李瀛詳請捐俸公修張志

乾隆十九年知縣金世綽詳請動項重修其諸生坐號向以土

三原縣新志 卷二

墜砌成至是易爲木棹木橙同治甲子西號舍圯知縣余庚陽

補修

縣考院在縣治南街嘉慶二十四年邑人知府李大霽創建

演武場在縣南門外慶善寺西督學會考較射所乾隆十九年

知縣蔡維勸捐俸倡修

張志舊制地勢局促場北面坑坎十餘丈諸生騎射苦於馳驟至是陷者平之

促者拓之牆垣門廳式廓增新捐地者監生房崑襄事者生員馬士俊

道光三年邑人張連帥重

修有碣記

綠莎行署在縣北四十里陵前鎮通延榆等郡出邊首程乾隆

三十年知縣張象魏創建有記今廢

諸廢署布政分司舊志在縣治北東渠岸城隍廟西主簿署在

縣丞署西官裁并丞署內府廳在縣治西東向

故址東西俱至街計地一畝八

分九釐三毫零又自聖母廟後一直至西計地四分六釐三毫五絲

稅課局在鐘樓北明崇正時

裁 國朝康熙四十年改爲恩德祠

陰陽學醫學在縣治北明洪武七年知縣杜康祖建安治四年知縣馬龍移置縣前其址俱廢

僧會司道會司明洪武十五年設各寺廟輪掌無定所

京師會館三一舊館明萬厯間溫恭毅公創建在正陽門外五道廟路東一西館在宣武門外教場頭條胡同 國朝黃州知府李彥瑁增建乾隆閒李廷佐賀啟士余從善重葺一南館在宣武門外潘家河沿李懋功捐置

省城會館在貢院東大街李廷佐賀啟士余從善同建而廷佐累世又時補修云

興賢文會光緒二年督學吳縣吳大澂爲邑會試公車創立按月從永遠公局提錢一百千以三年爲度生息給用紳爲經理

三原縣新志 卷二

六

官爲稽察立章存案

普濟堂在南關西稍門外乾隆二十九年知縣張象魏創建有記今廢

養濟院在西關同治十年轉運局委員張時敏以罰鍰建

棧流所在縣治大門照壁後知縣某建

漏澤園在縣南門外今西關外亦有義地

常平倉在典史署東初名預備倉雍正七年建倉廩共二十三座一百一十五間共貯倉斗穀四萬五千石後易麥咸豐九年以京餉不足奉文賣倉無存

社倉凡十處北關一陵前樓底西陽大程王店陂西六鎮各一

楊杜村响劉堡雷家堡各一每倉五間雍正七年建今俱廢

京斗本穀一萬三百七十六石九斗三升五合乾隆六十年奉文豁免共存京斗穀一千三百九十二石九合四勺京斗麥八

十四石八斗三升二合五勺嘉慶五年奉
上諭社糧聽民
自便不由官吏經手官遂久無稽查道光元年知縣雲麟勸驗
各社倉厥俱因查現存及民借並倉正副侵虧共追收京斗
麥七百五十餘石下欠京斗麥三十餘石自為捐辦共京斗麥
七百八十八石八斗三升
七合二勺寄存常平倉

義倉光緒元年知縣趙嘉肇奉文立一東里推惠倉一北關同
善倉一東關除民借所餘丁丑俱賑饑民

常平助於漢社倉即本義倉助於隋實皆救民良法而後世
反甚病民何也有治法無治人自古難之矣朝邑李時齋先
生屢上書上憲懇去坐運換倉諸弊而卒未盡去一縣然他

縣可知民困何由而紓乎為民父母體
皇仁念民瘼均
平斂散一除積弊俾胥吏無得為奸而百姓各沾實惠庶不

失
朝廷立倉之本意社倉雖聽民自便然非人則其害等
耳或且歸咎於古法之不可復咸豐庚申予買麥數石立為

三原縣新志卷二 七

本村社倉光緒初元東里堡推惠倉推予主管皆本朱子社
倉法行之數年鄉人胥悅惜一壞於回亂一盡於賑荒使積
久不廢未必無補是亦在人為之而已古法豈終不可復哉

建忠驛今在縣儀門內東偏知縣管理
舊志未載崇正丙子知
縣張縉彥公理郵政碑

云馬二十五匹募夫十五芻秣之費始二千有奇裁減至一千
六百有奇時羽書旁午不能支應議公養一法馬五十匹夫仍

十五草豆工食計口而值○李志
國朝初額設馬七十匹夫

四十名站銀二千七百四十六錢四釐康熙十四年奉文裁
四留六裁馬二十八匹馬夫十六名共裁站銀一千八十一兩

八錢四分一釐六毫留馬四十二匹馬夫二十四名站銀一千
六百二十二兩七錢六分二釐四毫康熙二十八年奉文定驛

衝僻又裁馬二匹馬夫四名裁站銀二百一十四兩七錢二分
二釐四毫今實留馬四十四匹留馬夫二十名留站銀一千四百

八兩○原額支直銀二百二十五兩二錢七分四釐六毫七絲
六忽九微七織七渺康熙十四年裁銀九十兩一錢九釐八毫

七絲六忽九微七織七渺留銀一百三十五兩一錢六分四釐
八毫康熙二十八年定驛衝僻又裁銀一百二十兩一錢六分

四釐八毫實留支直銀一十五兩○通志北至耀州順義站八
十里南至咸甯縣古京兆驛九十里馬四十四匹馬夫二十名歲

支銀一千四百二十三兩遇閏加銀四十九兩九錢九分九釐

內撥邊塘馬十四匹馬夫五名雍正七年裁馬二十四匹九年買補
十匹實裁馬十四匹馬夫五名裁銀三百五十二兩裁遇閏銀一
十二兩四錢九分九釐七毫五絲又十年撥邊塘馬四匹○張
志乾隆二十年正月撥協定邊縣磚井堡馬二匹馬夫一名二
十一年撥協榆林馬三匹馬夫一名半二十二年撥協乾州馬
六匹馬夫三名二十六年八月撤回定邊磚井堡馬二匹馬夫
一名二十七年十一月內撤回榆林馬二匹馬夫一名又撥三
水縣訖現在馬一十二匹馬夫六名○西安府志額設馬十二
匹馬夫六名歲支工料支直
修理銀四百三十七兩四錢

急遞鋪凡七總鋪在縣南門內南抵涇陽黨家橋西南抵雙瓦

迤北曰孫村東北曰西陽抵富平界孫坡峪北曰長孫曰曹師

曰臨泉曰楊村抵富平界覓子鋪司兵三十三名每年支工食

銀一百五十八兩四錢張志總鋪原額鋪司六名乾隆九年裁

在縣北三十里鋪司四名臨泉在縣北四十里原額鋪司五名

裁一名楊村在縣北五十里鋪司四名西陽在縣東北二十里

原額鋪司四名裁二名共鋪司二十四名每名每歲支工食銀

六兩共銀一百四十四兩遇閏加銀十二兩長孫鋪鋪司四名

乾隆九年裁○

西安府志同

三原縣新志 卷二 八

損夫西安府志三原遞運額設二十四名歲支銀二百五十九

兩二錢李志原額一百四十名額工食銀一千五百一十二兩

康熙二十八年定驛衝僻裁夫七十名實留夫七十名

留工食銀七百五十六兩○通志遇閏加銀七十六兩四錢九

分九釐雍正十年裁夫四十六名裁銀四百九十六兩八錢裁

閏月銀五十兩二

錢七分六毫零

諸廢驛建忠驛舊在鐘鼓樓南西巷內明洪武三年縣丞仰山

建 國朝順治六年知縣莫謙重修池陽驛在縣治西北

永遠公局在縣治西正街即明府廳廢署地同治四年建局南
舊爲西倉不知創自何時久無儲糧稟官立車馬櫃詳雜記
坊有十宣化坊在南門內縣治前桂林坊在儒學前澄清坊在
關內道署即今督學署前歸仁坊在縣治左光遠坊在縣治西
北通義坊在縣治東北永清坊在縣治東方安政坊在北城西
方節鉞重臣坊在東門內鹽店街明崇正十三年密貞節坊在

北城西門內為節婦趙思敬妻李氏建

街有四正街自南門直達北門一名梅香里有邑御史段信碑張志兩面市廛水無去路秋冬泥淖北街尤甚乾隆中知縣蔡維勸倡修通砌以石小西街在北街之西直通學古書院一名書院街市廛在東又名山西街由書院折而南亦通西門東渠岸街在鐘樓東東南行通東門西渠岸街在鐘樓西西行稍南通西門

巷自北門內轉東為邊家巷即今城隍廟後街通花園巷又東轉北近河為祠堂巷以楊武莊公祠名真人洞東為花園巷東門內白渠東為劉家巷通祠堂巷渠南為雷家巷又西為張家巷又西為椽巷一名油房巷又西為織羅巷今名手帕巷椽巷南為管家巷迤東為鹽店街通東門迤西為董家巷通正街手帕巷北過渠岸為箔子巷鐘樓西白渠南西花園巷亦名姚家

三原縣新志卷二 九

巷過渠斜北為西小巷北折而西至書院迤南為書院巷有李衛公祠通西門又西隣城為倉巷通河岸鐘樓南西折為館驛巷今馬王廟巷南門內西折北為元門巷西北為水井巷又西為魁星巷又西北為馬家巷今名太平巷通西門水井巷而東為察院巷通正街凡二十二北城則十字口直北為崇賢街一名木梓巷直東有宏道書院為東街轉北行通東門東北為紫房巷直西轉北為柱國街以王端毅名通北門又西北為西觀音寺巷達西門西南為西壇温恭毅公居第在焉凡六東關出東門直東行為渠岸通朝陽門東南行為油房道通迎巽門轉北行為新莊抵河岸凡三西關出西門直西行為渠岸通三邊要路門西南行為西南街通遙迎太白門南行為演武巷凡三鄉里唐以前無考舊志轄一十二鄉管一百三十四村開成五

年析淳化鄉隸富平縣奉章陵會昌元年以高陵清平析屬本

縣奉莊陵從化管村一十三修真管村一十四常平管村一十八三鄉後俱屬

龍橋管村十萬壽管村八清水管村十九三鄉後俱屬清河神泉

龍池管村六新樂管村九三鄉後俱屬浮陽萬福管村一十八務高

管村奉節管村五三鄉後俱屬雁陂明興總十二鄉為四鄉分二

十八里正統七年增崇明廣智永豐三里共三十一里七十二

村龍橋鄉統里九曰永清曰光遠曰通義曰歸仁曰安政曰崇

楊里曰留呂村渠西落市曰焦稷縣東清河鄉統里七曰留坊

二里管村五林村焦馬南田中孚馮家

五里管村四丁村焦村瀾裏曰豆村縣北十里管村二大

朱安家曰毛坊縣北四十里管村四岳村大劉橫水汾村曰柏

社縣北五十里管村三劉王義合辛村曰楊杜縣北二十里管

村三馮村北村閭村曰豆堡縣東北四十里管村五邵村馬額

夏侯齊吳毛家曰三家縣東北浮陽鄉統里七曰張家縣北三

四十里管村三楊村焦村謝坊

龍長坳曰張村縣東北三十里管村二小王田村曰唐村縣東

北四十里管村二王中任都曰東陽縣東北二十八里管村四

三原縣新志 卷二 十

劉村五龍王店白渠曰西陽縣北二十里管村一邢村曰長孫

縣東北二十里管村二東寨樓底曰武官縣東北十五里管村

二孫村雁陂鄉統里八曰師家縣東十里管村五吳村喬福大

小李其馮其滹沱曰小畦縣東四十里管村

二大時劉時曰陂南縣東四十里管村四王化閭村解村高陸曰

留官縣東三十里管村四趙渠南里小趙長豐曰北隴縣東四

十里管村三陂西楊南李傑曰城北縣東二十里管村二康吳

大易曰北張縣東南十里管村三小其張吳青東曰永豐編民

分析散居各里無定村莊 國朝順治十四年奉文均甲知縣駱復旦審糧

多寡率以九十石為一甲九百石為一里併上七里為一里析

中下一里為二里去光遠通義歸仁安政崇明廣智永豐七里

增孟侯豐原鹿原大忠獻陵雁陂六里共三十里分上中下名

次其所管村舍非舊時定制上十里縣東南五里東北五里

清曰弟友曰焦稷曰北張曰留坊曰中十里縣東南一里東北

豆村曰師家曰武官曰長孫曰西陽

九里曰城北曰楊杜曰毛坊曰柏社曰豆堡下十里縣東南五

里東北五里曰孟侯曰三家曰張家曰豐原曰東陽

里東北五里曰張村曰鹿原曰獻陵曰唐村曰北隴

里東北五里曰留官曰小畦曰大忠曰陂南曰雁陂

按鄉里村莊皆依舊志所載如此後分二十三保保管村十餘或五六十不等咸豐中奉文團練又隨社立團亂後官散牛種逐村勾訪闔邑共五百三十餘村多非舊名然大村殊少又遭兵燹戶口凋殘非極力撫摩安集恐難復舊況能使之保伍相聯防姦偽而明勸恥如明道晉城之治哉仁人君子其可以膜外視之乎

市鎮則縣東南四十里為陝西鎮東北二十里為西陽鎮東三十里為王店鎮又東四十里為大程鎮東北十五里為樓底鎮又東北四十里為長坳鎮北四十里為陵前鎮又北五十里為馬額鎮西北五十里為積水鎮長坳鎮久廢舊惟大程集以一六日西陽二七日馬額一六日餘不成集遭亂諸鎮俱被燬

三原縣新志卷二 十一

堡河北有文勝寨在徐穆村原阜六吉堡舊有三門王堡武官新城堡北

張堡東寨西堡菜王堡東里堡咸豐中修東原有小寨侯堡長坳堡

坡子堡郝家堡中原有段西堡柏杜堡楊杜堡又河北舊有四

險堡地勢尤勝惜未重修

橋梁龍橋在縣北門外舊架以木萬曆二十年少保溫公倡建

石橋張志 國朝順治十三年知縣駱復且邑人提學道李承

尹捐俸募修康熙開邑人馬遇重修乾隆二十年知縣蔡維勸

倡捐復修邑人胡大濟知府李大霽及嘉慶中李廷佐皆屢捐

修道光六年知縣陳俊儒倡捐委監生溫上吉經理重修咸豐

元年廷佐之會孫瑛又復修相傳宋建隆四年河水漲人見二

觀者驚傳鬪羊為龍後建橋於故處遂名龍橋谿田通志按山西太平有飛虹橋趙州有大石橋元人題詩云水從碧玉環中過人在蒼龍背上行是以橋為虹為龍也豈真有龍鬪耶彼虹名又何云明一統志橋下有龍潭李維楨溫公創建龍橋記畧

云橋需五七萬公先以千金爲倡邑人及監司守令各捐助有差而公起家爲司寇御史大夫割其祿秩數千金繼之介弟編子予知咸加一力廣三丈三尺有奇高七丈五尺有奇長十餘丈皆石鈎連鐵錮之爲鈎欄若干甚嚴飭下爲石旁爲堤石蓄入地者丈有奇更植大木千餘爲樾李志南北各建石坊一題龍橋一題崇仁橋今按橋有温公祠兩旁舊皆市廛遭回火後復興亦邑中一勝又按涇陽王葵心先生龍橋名議有云欲於橋東里許作一滾堰聚水俾之滿而後溢一則水無衝逆永爲橋基遠護一則兩城咸有深池永爲保障之資一則玉帶之水常環永爲兩城文風之助今以橋基被衝屢經重修所費不貲然則里許作堰以殺水勢誠爲遠護余錄此議後世識者必有取焉

通濟橋舊志在鐘樓北跨白渠元中統四年萬戶楊子江建李志子江十世孫廷臣姪時敏等重修有碑記

廣濟橋李志一在城東門內跨白渠一在城東門外跨高渠邑人常節孫世英等建有碑記

西津橋舊志在花園巷口跨白渠元中統二年邑人姚敦仁敦義建八世孫義官仲祿重修有碑記

東津橋李志在織羅巷口邑人李廷臣建

通遠橋通志在城西門外轉南舊架以木明正德乙亥醫士管韶捐貲易以石馬谿田有記

賓陽橋在東關朝陽門外跨白渠邑人張友恭建

文峰橋張志在東關外太白廟前始建未詳乾隆二十四年邑人胡瑛李郁王檀重修道光二十六年邑人劉榮緒捐修

普濟橋張志在縣東北五十里跨趙氏河上康熙丙辰崔可泰捐建四十九年屠海元重修年久橋淤道光中生員王維藩王先甲募貲濬修

登高橋在樓底跨濁峪河通志明正德時修天啟間重修改名

望峩張志歲久橋壞邑人李彥瑁重建嘉慶中李廷佐又修

長濟橋在王店鎮北門外東隅跨乾溝架木爲之始明正德開

崇正四年重修石碑漫滅相傳初建橋在鎮北門外正對 國朝楊氏改建道光中王正順又重修

許渠橋李志在縣東四十里跨清河明崇正時邑中丞焦源清捐八千金倡建因流寇橋上石面石欄未完 國朝康熙三十年大水橋幾傾三十九年布政使鄂公海捐俸諭焦中丞孫暨里人修葺工竣立碑

順德橋在縣西二里道光二十一年邑人馬居正建

同善橋在縣東一里名林堡下道光元年邑人劉映蒞及堂弟映蓮創建

吳村橋在縣東十八里吳村李堡下嘉慶閒邑人張澄建

諸廢橋義梁橋

谿田通志在龍陽宮前跨清河義民來子春建

美人橋

李志在縣東北武官坊跨五渠

上明嘉靖七年本坊李演建

留運橋

通志在縣北大白渠上唐肅宗紀至德二載郭子儀及賊將李歸仁戰於留運

三原縣新志卷二

十三

橋大 通政橋

府志耀州喬因阜有記今不詳其地

火燒橋

通志在縣西北跨涇渠上

徒杠輿梁民不病涉亦王政之一事諸葛武侯治蜀官府次舍橋梁道路以及溷廁之類莫不繕理然則君子之為政主於澤民利物豈可以此為小而忽諸